



Vijeće za konkurentnost

Broj: 02-02-895-1/14-XXX

Jablanica, 11.02.2021.godine

Izvod iz zapisnika sa XXX (30) sjednice Vijeća za konkurentnost općine Jablanica održane dana 11.02.2021. godine sa početkom u 9:00 sati

Prisutni: Damir Šabanović – Općinski načelnik, Dženan Mulahasanović – Sekretar Općine, Emir Muratović –predsjedavajući OV-a, Jusuf Džafić, Voćepromet d.o.o. Jablanica, Nezir Kevrić – Jablanit d.o.o. Jablanica, Muamer Džino – Euro kamen d.o.o. Jablanica, Uzeir Zahirović – BH Granit, Fadil Kevrić – Elektrofak d.o.o. Jablanica, Edin Budim – Labrador d.o.o Jablanica, Ramiz Zahirović direktor JP EP BiH - Podružnica Jablanica, Martin Zelenika – predstavnik JP EP HZHB, Admir Đelmo - Savez poljoprivrednih udruženja Jablanica, Kemal Muratović - predstavnik Službe za zapošljavanje HNK – Biro rada Jablanica, Amela Muratović - Služba za LER, investicije, finansije i trezor,

Odsutni: Amel Halebić – Udruženje privrednika Jablanica, Jusuf Maksumić – Restoran Maksumić,

Predsjedavajućeg VZK -a Jusuf Džafić, pozdravio prisutne, dao uvodnu riječ i otvorio rad XXX (30) sjednice VZK –a. Predložio slijedeći Dnevni red:

1. Izvod iz zapisnika sa XXIX (29) sjednice VZK-a
2. Budžet-Proračun Općine Jablanica za 2021. godinu -Nacrt
3. Operativni plan implementacije Integralne strategije razvoja općine Jablanica za 2021. godinu sa programom realizacije kapitalnih investicija
4. Odluka o donošenju mjera za pomoć pravnim i fizičkim licima koja su za vrijeme trajanja pandemije koronavirusa (COVID19), obavljali djelatnost u otežanim uslovima
5. Informacija o usvojenim dokumentima
 - a) Plan kapitalnih investicija Općine Jablanica za period 2021.g.-2023.godina
 - b) Odluka o radu i održavanju pijace
 - c) Odluka o izmjenama Odluke o komunalnoj naknadi
6. Razno

Predloženi Dnevni red jednoglasno je usvojen.

Ad. 1. Izvod iz zapisnika sa XXIX (29) sjednice

Jusuf Džafić daje zapisnik na raspravu.

Nije bilo primjedbi na Izvod iz zapisnika sa XXIX sjednice VZK-a.

Ad.2. Budžet-Proračun Općine Jablanica za 2021. godinu

Jusuf Džafić daje drugu tačku dnevnog reda na raspravu.

Pomoćnik načelnika u Službi LER-a Amela Muratović dala kratka pojašnjena vezano za Nacrt Budžeta Općine Jablanica za 2021. godinu, te istakla da su u toku javne rasprave po mjesnim zajednicama, a da je Centralna javna rasprava zakazana za 12.02.2021. godine u Kino sali sa početkom u 10,00 sati.

Jusuf Džafić istakao da je Udruženje privrednika općine Jablanica održalo sjednicu Upravnog odbora na kojoj su raspravljali o Nacrtu Budžeta Općine Jablanica za 2021. godinu, te donijeli određene zaključke. Smatraju da je određene stavke u Nacrtu Budžeta neophodno dodatno pojasniti, a određene i smanjiti, te preusmjeriti u stavku poticaja MSP-a.

Takođe, Udruženje privrednika smatra da Općine Jablanica treba uputiti zahtjev za pristup informacijama Federalnom ministarstvu prometa i komunikacije vezano za izmjene režima saobraćaja tokom rekonstrukcije tunela Crnaja, odnosno da li su pribavljene neophodne dozvole?!

Takođe, insistiraju i na pojačanom inspeksijskom nadzoru na području općine Jablanica po pitanju neprijavljenih trgovačkih, ugostiteljskih i smještajnih objekata.

Općinski načelnik Damir Šabanović dao pojašnjena vezano za pojedine stavke koje su naveli iz Udruženja privrednika, odnosno, po pitanju smanjenja istih i preusmjeravanja na stavku poticaja za MSP. Takođe, naveo je i da sredstva za MSP, odnosno izvršenje stavke zavisi isključivo od prihoda općine Jablanica.

Pomoćnik općinskog načelnika u Službi LER-a Amela Muratović dala određena pojašnjenja vezano za pojedine stavke u Odluci o donošenju mjera za pomoć pravnim i fizičkim licima zbog proglašenja stanja nesreće uzrokovane pojavom korona virusa (COVID19), a za ublažavanje negativnih ekonomskih posljedica.

Jednoglasno je usvojena tačka 2. Budžet-Proračun Općine Jablanica za 2021. godinu-Nacrt

Ad.3. Operativni plan implementacije Integralne strategije razvoja općine Jablanica za 2021. godinu sa programom realizacije kapitalnih investicija

Općinski načelnik Damir Šabanović istakao da plan implementacije strategije mora biti usaglašen sa budžetom Općine Jablanica.

Nije bilo diskusije po ovoj tački dnevnog rada.

Jednoglasno je donesen Operativni plan implementacije Integralne strategije razvoja općine Jablanica za 2021. godinu sa programom realizacije kapitalnih investicija

Ad.4. Odluka o donošenju mjera za pomoć pravnim i fizičkim licima koja su za vrijeme trajanja pandemije koronavirusa (COVID19), obavljali djelatnost u otežanim uslovima

Općinski načelnik Damir Šabanović naveo kako je Vlada Federacije BiH donijela Odluku o raspodjeli sredstava utvrđenim budžetom FBiH za 2020. godinu Federalnom ministarstvu finansija sa pozicije „Tekući transferi drugim nivoima vlasti kantonima i općinama“, a koja sredstva u iznosu od 125.000,00 KM su dodjeljena Općini Jablanica. Iznos od 71.989,61 KM, je raspodjeljen Odlukom o donošenju mjera za pomoć pravnim i fizičkim licima zbog proglašenja stanja nesreće uzrokovane pojavom korona virusa (COVID19), a za ublažavanje negativnih ekonomskih posljedica. U Budžetu Općine Jablanica preostao je iznos od 53.400,00 KM. Obzirom da postoje određene dileme vezane za ovu Odluku, odnosno, raspodjelu preostalog dijela sredstava (53.400,00 KM), ista još nije konačna.

Pomoćnik općinskog načelnika u Službi LER-a Amela Muratović detaljno obrazložila Odluku o donošenju mjera za pomoć pravnim i fizičkim licima koja su za vrijeme trajanja pandemije koronavirusa (COVID19), obavljali djelatnost u otežanim uslovima. Istakla kako bi po trenutnom stanju 892 radnika ostvarila pravo na jednokratnu naknadu u iznosu od cca. 60,00 KM uključujući i radnike preduzeća „Granit“

d.d. u stečaju Jablanica. Međutim, postoji i mogućnost da se sredstva u iznosu od 53.400,00 KM preusmjere u stavku poticaja MSP.

Nezir Kevrić predložio da se prostali dio sredstava u iznosu od 53.400,00 KM ne raspoređuje u skladu sa Odlukom o donošenju mjera za pomoć pravnim i fizičkim licima koja su za vrijeme trajanja pandemije koronavirusa (COVID19), obavljali djelatnost u otežanim uslovima, obzirom da je predviđeni iznos po radniku neznatan i nedovoljan, te da se isti preusmjeri u stavku poticaja MSP-a (nabavka opreme i sl.).

Jusuf Džafić istakao da podržava prijedlog Nezira Kevrića.

Jednoglasno donesen slijedeći **Zaključak:**

Odlukom Vlade Federacije o raspodjeli sredstava utvrđenim budžetom FBiH za 2020. godinu Federalnom ministarstvu finansija sa pozicije „Tekući transferi drugim nivoima vlasti kantonima i općinama“, broj: 0158/2020 od 29.07.2020. godine, Općini Jablanica su dodjeljena sredstva u iznosu od 125.000,00 KM, a koji dio, u iznosu od 71.989,61 KM, je raspodjeljen Odlukom o donošenju mjera za pomoć pravni i fizičkim licima zbog proglašenja stanja nesreće uzrokovane pojavom korona virusa (COVID19), a za ublažavanje negativnih ekonomskih posljedica.

Preostali dio sredstava u iznosu od 53.400,00 KM, preusmjerit će se u sredstva Budžeta Općine Jablanica za 2021. godinu na stavku- Mjere poticaja za MSP općine Jablanica i Subvencioniranje MSP.

Ad. 5. Informacija o usvojenim dokumentima

- a) Plan kapitalnih investicija Općine Jablanica za period 2021.g.-2023.godina
- b) Odluka o radu i održavanju pijace
- c) Odluka o izmjenama Odluke o komunalnoj naknadi

- a) Plan kapitalnih investicija Općine Jablanica za period 2021.g.-2023.godina

Pomoćnik općinskog načelnika u Službi LER-a Amela Muratović navodi da je ovaj Plan u vidu prijedloga usvojen na posljednjoj sjednici Općinskog vijeća. Vijećnici imali primjedbu na Udruženje privrednika obzirom da isti nisu predložili niti jedan projekat u okviru Javnog poziva za dostavljenje prijedloga projekata za investiranje za Plan kapitalnih investicija općine Jablanica za period 2021.-2023.godina

Predsjedavajući OV-a Emir Muratović istakao da je Vijeće dalo saglasnost na Plan. Neophodno je da se svi uključe kako bi se napravio bolji plan.

Kemal Muratović - predstavnik Službe za zapošljavanje HNK – Biro rada Jablanica smatra da je Udruženje privrednika moglo kandidovati projekat u okviru javno privatnog partnerstva.

Članovi VZK-a se usaglasili da je prioritet uvođenje sistema industrijske vode.

- b) Odluka o radu i održavanju pijace

Općinski načelnik Damir Šabanović istakao kako je ova odluka predložena i donesena na Općinskom vijeću, obzirom da je bilo neophodno urediti ovu oblast. U okviru odluke tretirana su dva mjesta za pijacu: privremena pored stadiona F.K.“Turbina“ Jablanica i stara pijaca koja je sada u privatnom vlasništvu čije uslove korištenja određuje sam vlasnik.

Admir Đelmo predstavnika Savez poljoprivrednih udruženja Jablanica, mišljenja ja da je ova Odluka prije samog usvajanja trebala biti dostavljanja i poljoprivrednim udruženjima, kako bi dali mišljenje i prijedloge na istu. Imao određene primjedbe na član 2. stav 3. kao i na član 7. zadnji stav, a koje nisu uvažene. Vezano za člana 2. stav 2. smatra da je zabranu prodavanja mesa, mlijeka i jaja na privremenoj pijaci trebalo riješiti na drugačiji način. Takođe, kad se tiče člana 7. i plaćanja naknade za usluge održavanja

pijace, smatra da su iste trebali biti oslobođeni korisnici koji su upisani u Registar poljoprivrednih proizvođača i dolaze sa područja općine Jablanica.

Kemal Muratović - predstavnik Službe za zapošljavanje HNK – Biro rada Jablanica istakao kako je Klub vijećnika SDA Jablanica na sjednici u okviru ove tačke imao amandman na član 2. stav 3. kojim bi se regulisale određene mjere u cilju zaštite organa uprave Općine Jablanica.

Općinski načelnik Damir Šabanović istakao kako se Savez poljoprivrednih proizvođača mora više angažovati u cilju zaštite i pomoći malih proizvođača.

Jednoglasno donesena Odluka o radu i održavanju pijace

c) Odluka o izmjenama Odluke o komunalnoj naknadi

Pomoćnik općinskog načelnika u Službi za LER-a Amela Muratović istakla kako je Odlukom o donošenju mjera za pomoć pravnim i fizičkim licima zbog proglašenja stanja nesreće uzrokovane pojavom koronavirusa (COVID-19), a za ublažavanje negativnih ekonomskih posljedica u tački 2. definisano da su općinskih komunalnih taksi za istaknutu firmu u 2020. godini oslobođena - pravna i fizička lica koja su izvršila plaćanje komunalne takse za istaknutu firmu za 2020. godinu do donošenja ove Odluke, na ime izvršene uplate oslobađaju se plaćanja komunalne takse za 2021. godinu, - pravna i fizička lica koja nisu izvršila plaćanje komunalne takse za istaknutu firmu do donošenja ove Odluke.

Ad.6. Razno

Pomoćnik općinskog načelnika u Službi za LER-a Amela Muratović istakla kako Služba za LER priprema anketu o tržištu radne snage, kako bi se dobile određene analize koje se tiču obrazovnih profila koji su potrebni privrednom sektoru. Ovom prilikom je zamolila sve privrednike koji dobiju anketu, da istu popune i dostave u Općinu Jablanica ili elektronskim putem.

Sjednica VZK – a završena u 10, 20 sati.

Zapisnik vodila

Azra Babić

Predsjednik Vijeća za konkurentnost

Jusuf Džafić